

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Promptvarii exequialis pars ...

Continens centurias II. dispositionum, quibus themata funebria sive
scripturae dicta varia ...

Bidembach, Felix

Francofurti, 1625

Thema XXII.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

XVI. Vers. 39. 40. 41.

Lazarus scætet. Gloria Dei expectanda. Obediunt Christi verbis, & aperiunt sepulchrum.

1. Fœtor cadaverum docet nos esse humiles, Syrac. 10. v. 9. Terra. Cinis. Putredo. Non superstitiose humandi defuncti.

2. Non in terram cum Martha oculi defigendi. Alioquin mox evanescit fides. Ultra quam intelligimus, Ephes. 3. v. 20.

3. Gloria danda Deo, Omnipotentia, Omniscientia, &c. Nihil impossibile, Luc. 1. v. 37.

4. Quicquid dixerit, facite, Joan. 2. v. 5. si maxime videretur absurdum. Is scit, quid possit & velit facere.

XVII. Vers. 42.

Gratia Deo. 1. Docet in omnibus rebus scietis, & negotiis grauioribus Deum inuocandum pro auxilio, Psalm. 123. v. 2. Sicut oculi seruatorum, &c.

2. Semper audit Pater Filium: & propter ipsum nos petentes in nomine eius. Joh. 16. v. 23. & 24.

XVIII. Vers. 43. & 44.

De hoc vide Dispositionem sequentem XXIV, Et hæc de historia Lazari.

F I N I S.

T H E M A XXII.

Ioh. II. v. II.

Lazarus amicus noster dormit. Vado ad excitandum ipsum.

D I S P O S I T I O.

In his verbis mentio fit dormientis Lazari. Est autem in historia Euangelica celebris aliquis Lazarus, non quidem propter mendicitatem, sed quod anima illius in sinum Abrahami deportata est, ab Angelis, Luc, 36. At nul-

nulla hic fit mentio de paupere Lazaro: sed de Lazaro diuite, qui in Bethania, Castello dimidio miliari à Hierosolyma sito, habitabat: eratque vir bonus, splendidioris familiæ, diues & honoratus. Frater est Lazarus hic noster Mariæ & Marthæ, quæ cum fratre habitabant.

Hoc autem commune habet cum illo suo Synonymo Euangelico, quod licet diues sit, tamen etiam æger est, moriturque ex hoc morbo minus quam ille.

De hoc Christus non sine causa refert discipulis, quod dormiat & excitandus sit. Singulare enim aliquid tam nos, quam ipsos docere vult his verbis. Ergo videamus, 1. qualis hic somnus, 2. & qualis excitatio.

I. Pars.

Ægrotabat in Bethania lethaliter amicus ille Christi Lazarus. Id nunciatum erat Christo, ante triduum, per legatum missum à sororibus. Nec hoc ignorant discipuli; quia sperant illum rectius habiturum, cum dormiat, v. 12. Quamuis autem Christus nunciauerit sororibus, ægritudinem non fore lethalem, vers. 4. tamen interim mortuus est. Idque Christo etiam absenti constat. Quia omniscius. Discipuli vero ignorant: quia nemo nunciauit. Christus vero dum est in itinere, discipulis refert: Amicus noster optimus, qui nos sæpius hospitio exceperit & tractauit liberaliter, dormit. Mortuum esse putat: quod post verbis manifestis exprimit: cum quæ de somno dixerat, non vellent intelligere. Vide v. 14.

L o c. Probe autem nobis noranda hæc phrasis, qua mortuus dormire dicitur. Hæc enim nobis non minus, quam discipulis noua, inaudita & absurda videtur.

Sicut irrident ad luctum conuocati in domo Jairi, similiter dicentem, non mortua est puella, sed dormit, Marc. 5. v. 39. ita ridet ratio nostra adhucodie. Das muß ein harter Schlaaff seyn.

Nec fuit incognita phrasis Prophetis: quia frequenter vsurpatur in libris Regum, Obdormiunt cum patribus

THEMA XXII. EX NOVO TEST. 476

bus. David, 1. Reg. 2. v. 10. Salomon, 1. Reg. 11. v. 43. &c. Dan. 12. v. 2. dicit, Dormiunt in puluere.

Eandem loquendi formulam Paulus imitatur, 1. Thefl. 4. v. 13. & 14.

Et vere Lazarus dormiebat mortuus: & vere dormiunt omnes mortui: coram Deo scilicet: Sic enim August. super hunc locum: Sororibus mortuus erat; Domino dormiebat Hominibus mortuus erat, qui cum suscitare non poterant. Nam Dominus tanta facilitate eum excitabat de sepulchro, quanta tu non excitas dormientem de lecto. Ergo secundum potentiam suam dixit dormientem. Hæc ille. Vide Tom. 9. pag. 245.

I. Dicitur ergo mors somnus. 1. Quia sicut dormientes facile possunt excitari: ita etiam mortui excitantur à Domino: voce Christi, Joh. 5. v. 28. 1. Thefl. 4. vers. 16.

2. Dicuntur dormire, quia quiescunt corpora illorum in sepulchris, tanquam in cubilibus, Esa 36. in fine. Et sicut dormiens nihil sentit, ita nec corpora defunctorum in terra.

II. Est vero deinde hic notandum aliud aliquid, de quo Augustinus monet: videlicet id, quod dormiat omnis mortuus, bonus & malus (quia etiam de impijs Regibus dicitur obdormiuit cum patribus suis, 1. Reg. 14. v. 20. de Jeroboamo, &c. Sic etiam de omnibus Daniel loquitur) ratione scil. corporis. Sed sicut dormientium alij habent somnia admodum tristia & torquentia, ut euigilans dormire timeat, ne ad illa reuertatur. Vide querelam Hiobis, cap 7. vers. 14. Suspendium optauit anima, &c. Alij vero iucunda & tranquilla somnia somniant: Ita post mortem alij defuncti, quiescentibus corporibus, animæ solatia sentiunt, ut Lazarus, Luc. 16. v. 25. alij vero torquentur, etiam ante resurrectionem. Diues epulo, Luc. 16.

III. Differentiam hanc parit, modus eundi cubitum: id est, quomodo quis decedat ex hac vita, & moriatur,

zur. Qui in Domino moriuntur, Apoc. 14. vers. 13. illi quiescunt. Cæteri non item.

Qui in vera fide, inuocato nomine diuino, moriuntur, & animam commendant Deo creatori atque filio Jesu Christo, Psal. 31. v. 6. Act. 7. v. 59. 1. Pet. 4. v. 19. illi non patientur tormenta, Sap. 3. v. 1.

IV. Pii itaque & credentibus nunquam sit graue mori. Quia dulcis somnus. Grata quies. Cubitum inuiti se conferunt, 1. pueri. 2. ebrii aut furiosi. Quia non intelligunt, quam sit res grata & commoda, somnus & quies. His similes sunt, qui inuiti moriuntur.

V. Pii intelligunt etiam hoc, quod Christus monet, Lazarum defunctum *amicum* vocans. Ex eo colligunt, non esse signum irati Dei, si per mortem abripiat hominem. Nam amici quoque Dei charissimi moriuntur. Et festinat Deus abriperere qui placent. Sapiē. 4. vers. 14. Vult enim, vt ministri & amici sint cum ipso in gloria, Joh. 17. v. 24. Amicos autem quos dicat, vide Joh. 15. v. 14.

II. PARS.

De somno Lazari diximus. Dicamus etiam de excitatione illius: Vado illum excitare, ait Christus. Sicut enim Lazari mors est Christo somnus: ita illius excitatio est Lazari resurrectio. Huc pertinent etiam verba Augustini supra parte 1. annotata.

Quomodo autem Lazarus fuerit voce Christi excitatus & in vitam reuocatus, infra peculiari Dispositione sequenti XXIII. demonstrabitur. Poterunt non pauca huc referri.

Locvs est de resurrectione mortuorum. Cuius exempla proposuit Christus, cum adhuc esset in forma ferui: vt intelligamus, quid possit in dextra Dei sedens, &c. De hoc in præcedentibus & sequentibus Disposit. plura. Vsum huius vide Disposit. præcedent. XVIII. in fine.

F I N I S.

THE.